

vnde ander mehr globenwürdige. Zcuorkunde mit vnsirem herzogenn Ernsts anhangenden insigil, des wir herezoge Albrecht hirezu mitte gebruchenn, wissentlich vorsigilt vnde geben zcu Dreßden noch gots geburt fireznhundert dornoch ym sibenzigistenn iarenn am donerstage noch des heiligen nuwen iarßtage.

Nach dem Orig. im K. Haupt-Staatsarchiv zu Dresden mit dem Siegel des Kurfürsten an einem Pergamentstreifen.

No. 1126. 1470. 4. Jan.

Kurfürst Ernst und Herzog Albrecht leisten auf ihre Lehnshoheit über das vom B. Dietrich erkaufte Vorwerk und Dorf Slautitz im Austausch gegen andere Lehen zu Gunsten des Hochstifts Verzicht.

Von gots gnaden wir Ernst kurfurste ꝛ. vnde Albrecht ꝛ. bekennen — das wir vmbe vllissiger bete auch irsuchunge des ernwürdigen ingot vaters hern Ditterichs bisschoffs zcu Missen auch vnsere vnsere eldern vorfarn vnd nachkommenden selen zcu troste syner libe vnd synen nachkommen bischoffen zcu Missen die lehin des vorwercks vnd dorffs Slautitz¹⁾ mit syner zeugehorungen in der pflege zu Osschatz gelegen, welch vorwerck vnd dorff er von den besitzern ym vnd sinen nachkommen bischouen zcu Missen zcu gute koufft vnd an sich bracht hat, wechssels wise vmb die lehen die der gnante bischoff an Heinrich vnd Ditherich von Honsperg vnd iren gutern zeur Gane vnd Wuschkewitz²⁾ gehat vnd mit willen vnd volbort syns capitells an vns gewiset hat, zcugesaget gegeben vnd vorerbet haben —. Dorbey vnd obbir sint geweest die gestrengen Hugolt von Slinitz vnsere obermarschalk, er Ditterich von Schonberg ritter vnsere vndermarschalk, Titze von Miltitz vnsere liben gemaheln hoffmeister. Zcuorkunde ꝛ. Actum Dreßden am dornstag noch circumcisionis domini anno eiusdem ꝛ. septuagesimo.

Copiale 59. fol. 71 im K. Haupt-Staatsarchiv zu Dresden.

1) Schladitz, Par. Altmügelh. 2) Janna, Eph. Oschatz und Niederwutzschwitz, Par. Zschaitz.

No. 1127. 1470. 29. Jan.

Kurf. Ernst entschuldigt sich bei dem B. Dietrich, dass er ein an diesen gerichtetes lateinisches Schreiben des Legaten Laurentius, da er selbst Latein nicht versteht, erbrochen hat.

Ernst von gots gnaden hertzog zu Sachsen vnd kurfurste, lantgraffe in Doringen, marggraff zu Missen.

Vnnsere fruntlich dinst zuuor. Erwürdiger in gotuater, besundir liber herre frundt vnde geuatter. Wir schicken uwer libe dissen zugeslossen brieff vns von dem erwürdigen in gotuater hern Laurentio bischoff zcu Ferrer vnd bebistlichen legaten vnder andern latinischen brieffen dem hochgebornen fursten hern Albrechte vnßirm liben bruder zustehend zcubracht vnd uff hute datum behendet, den wir vorgebens, zo wir nicht latinisch vornehmen, uffgebruchen vnde nichts andirs irsts angesichts